

PM-GETAH

1983
KUALA LUMPUR, 13 SEPT. (BERNAMA)--DATUK SERI DR. MAHATHIR MOHAMAD HARI INI YAKIN MALAYSIA AKAN TERUS MENJADI PEMBEKAL GETAH YANG UTAMA DI DUNIA.

PERDANA MENTERI BERKATA NEGARA INI AKAN DAPAT MEMPERTAHANKAN PRESTASINYA MENGELUARKAN 45 PERATUS DARI PENGELUARAN GETAH DI SELURUH DUNIA BERBANDING DENGAN NEGARA LAIN.

+KITA AKAN DAPAT MEMPERTAHANKAN KEDUDUKAN KITA SEBAGAI PENGELUAR GETAH TERBANYAK DI DUNIA,+ TEGAS BELIAU SEMASA MELANCARKAN PENUBUHAN PERSATUAN PENANAM GETAH (RGA) MALAYSIA BERHAD DI HOTEL HILTON DI-SINI.

BELIAU MENGULAS LAPORAN AKHBAR HARI INI YANG MEMETIK INDONESIA SEBAGAI BERKATA REPUBLIK ITU AKAN DAPAT MENGATASI MALAYSIA SEBAGAI PENGEKSORT TERBESAR, GETAH ASLI DI DUNIA.

PENGARAH EKSEKUTIF PERSEKUTUAN PENGELUAR GETAH INDONESIA, HARRY TANUGRAHA MENYATAKAN MALAYSIA YANG KINI MENGELUARKAN 1.7 JUTA TON GETAH SETIAP TAHUN BERBANDING DENGAN 950,000 TAN OLEH INDONESIA MENGHADAPI KESUKARAN MENDAPATKAN PENOREH DAN LAIN-LAIN TENAGA KERJA BAGI LADANG GETAH.

DATUK SERI DR. MAHATHIR MENJELASKAN KENYATAAN ITU TIDAK BOLEH DIPANDANG RINGAN TETAPI TAMBAHNYA TERDAPAT PERBEZAAN ANTARA PERUSAHAAN LADANG GETAH DI ANTARA MALAYSIA DAN INDONESIA.

--LAGI 1714/PA

PM-GETAH 2 KUALA LUMPUR

+DI SINI KITA MENYEBUT KEBUN GETAH ATAU RUBBER GARDEN TETAPI DI INDONESIA HUTAN KARET ATAU RUBBER JUNGLE.... JADI KITA HARAP GETAH KITA TERUS MENJADI KEBUN DAN BUKAN HUTAN,+ SELOROH BELIAU.

PERDANA MENTERI OPTIMIS DENGAN USAHA PUSAT PENYELIDIKAN GETAH (RRI) Mencari BERBAGAI TEKNIK BARU UNTUK MEMPERBAIKI PROSES TOREHAN GETAH DAN MENGATASI KEKURANGAN PENOREH, PENGELUARAN GETAH TIDAK TERJEJAS TETAPI TERUS BERKEMBANG.

MENURUTNYA KINI BERBAGAI CADANGAN DIBUAT TENTANG MASA DEPAN PERUSAHAAN GETAH DENGAN ADA YANG MAHUKAN GETAH RENDAH DAN GEMOK SUPAYA SENANG DITOREH DAN ADA PULA MAHUKAN GETAH +REAFFORESTATION+.

+TERDAPAT CADANGAN LAIN MAHUKAN GETAH MENJADI BY-PRODUCT DAN POKOKNYA DIJADIKAN BALAK. ADA PULA YANG MAHUKAN SUPAYA CUMA SUIS DITEKAN DAN GETAH DITOREH DENGAN KUASA ELEKTRIK,+ TAMBAH BELIAU DENGAN SAMBUTAN GELAK KETAWA KIRA-KIRA 60 ORANG AHLI PERSATUAN.

BAGAIMANAPUN, TAMBAH BELIAU, BELIAU YAKIN PENEMUAN BARU AKAN DAPAT DITEMUI UNTUK MENJAMIN PENGELUARAN GETAH ASLI DINEGARA INI TERUS MENINGKAT.--BERNAMA 1720/PA